

Statistikat e Transportit Ajror

Tremujori II, 2023

Tiranë, më 28 Korrik 2023: Në transportin ajror operojnë 20 shoqëri ajrore, nga këto 18 janë shoqëri të huaja dhe 2 janë shoqëri shqiptare. Gjatë tremujorit të dytë 2023, në hapësirën ajrore shqiptare kanë fluturuar 81.737 avionë.

Numri i mbikalimeve në hapësirën ajrore shqiptare rezultoi 69.269, duke u rritur me 17,1 %, krahasuar me tremujorin e dytë 2022.


Tab. 1: Dinamika në transportin ajror

| Periudha | TR II - 2021 | TR III - 2021 | TR IV - 2021 | TR I - 2022 | TR II - 2022 | TR III - 2022 | TR IV - 2022 | TR I - 2023 | TR II - 2023 |
|--------------------------|--------------|---------------|--------------|-------------|--------------|---------------|--------------|-------------|--------------|
| Numri i shoqërive ajrore | 16 | 16 | 17 | 17 | 18 | 20 | 17 | 17 | 20 |
| Numri i fluturimeve | 5.210 | 10.836 | 7.150 | 6.384 | 10.286 | 13.140 | 9.252 | 8.386 | 12.468 |
| Numri i mbikalimeve | 21.466 | 59.606 | 35.708 | 26.468 | 59.166 | 82.176 | 46.107 | 36.701 | 69.269 |

Burimi: Ministria e Infrastrukturës dhe Energjisë, Ilogaritje INSTAT

Volumi i mallrave (duke përfshirë postën) të hyrë dhe të dalë nëpërmjet transportit ajror rezultoi 497,6 ton, nga të cilat 79,7 % janë mallra të hyrë dhe 20,3 % janë mallra të dalë. Krahasuar me tremujorin e dytë 2022, volumi i mallrave paraqitet me ulje 0,3 %.

Fig. 1: Volumi i mallrave dhe postës në transportin ajror, në ton




Burimi: Ministria e Infrastrukturës dhe Energjisë, Ilogaritje INSTAT

Për publikim 28/07/2023

Në transportin ajror, posta zë 12,5 % të volumit gjithsej të mallrave të transportuar me ajër. Krahasuar me tremujorin e dytë 2022, volumi i mallrave të transportuara me postë paraqitet me rritje 0,5 %.

Në tremujorin e dytë 2023, kanë udhëtuar me linja ajrore 1.747.887 pasagjerë. Krahasuar me të njëjtën periudhë të vitit 2022, ky tregues është rritur me 30,7 %.

Fig 2: Transporti Ajror i pasagjerëve




Burimi: Ministria e Infrastrukturës dhe Energjisë, llogaritje INSTAT

Eksportet/importet e mallrave me ajër

Volumi i mallrave të tregtuara (eksport dhe import) me ajër në tremujorin e dytë 2023 është 386 ton. Krahasuar me të njëjtën periudhë të vitit 2022, ky tregues është rritur me 5,6 %.

Volumi i mallrave të importuara me ajër në tremujorin e dytë 2023 zë 0,02 % ndaj volumit gjithsej të mallrave të importuara.

Fig. 3: Eksport/import i mallrave me ajër, ton



Burimi: Drejtoria e Përgjithshme e Doganave, llogaritje INSTAT

Metodologjia

Publikimi i Statistikave të Transportit paraqet rezultatet mbi transportin e mallrave dhe pasagjerëve si dhe eksportin dhe importin e mallrave sipas mënyrës së transportit në frekuencë tremujore. Të dhënat janë administrative. Burimi kryesor i informacionit është Ministria e Infrastrukturës dhe Energjisë si dhe Drejtoria e Përgjithshme e Doganave.

Përkufizime

Transport: Lëvizja e njerëzve dhe/ose mallrave, duke përdorur mjete të ndryshme transporti. Transporti mund të kryhet me mjete të transportit hekurudhor, tokësor, detar dhe ajror.

Transport ajror: përfaqëson lëvizje e përgjithshme të planifikuar të mallrave dhe/ose pasagjerëve, të kryera nga shoqëritë ajrore.

Aeroport - Një zonë e caktuar e tokës ose ujit (përfshirë ndërtesat, instalimet dhe pajisjet) të destinuara për t'u përdorur qoftë tërësisht ose pjesërisht për mbërritjen, nisjen dhe lëvizjen sipërfaqësore të avionëve dhe të hapur për operacionet tregtare të transportit ajror.

Linjë ajrore - Një ndërmarrje aviacioni që operon aeroplanët për qëllime tregtare që (i) kryen shërbime të planifikuara të transportit ajror, ose të dy, të cilat janë në dispozicion të publikut për transportin e pasagjerëve, postën, dhe / ose ngarkesa dhe (ii) është vërtetuar për qëllime të tilla nga autoriteti i aviacionit civil të shtetit në të cilin është themeluar.

Shërbimi ajror i pasagjerëve - Shërbimi ajror i planifikuar ose jo i planifikuar i kryer nga aeroplanët që transportojnë një ose më shumë pasagjerë të ardhura dhe çdo fluturim të listuar në oraret e publikuara si të hapura për pasagjerë.

Shërbimi ajror i mallrave dhe i postës - Shërbimi ajror i planifikuar ose jo i planifikuar, i kryer nga aeroplanët që mbajnë ngarkesa të ardhura (mallrave dhe postës), përveç pasagjerëve.

Numri i fluturimeve - Është numri i parë fillestar i publikuar i caktuar nga operatori i transportit ajror në fluturim. Pasagjerët që përdorin një fluturim nga një aeroplan mund të udhëtojnë nën një sërë numrash të ndryshëm fluturimesh.

Pasagjerë të transportuar - Do të quhen të gjithë pasagjerët udhëtimi i të cilëve fillon ose mbaron në aeroportin raportues.

Mallrat e transportuar - Përfshijnë çdo ngarkesë e ngarkuar në avion ose e shkarkuar prej tij, duke përfshirë bagazhet e pasagjerëve dhe postën.

Eksportet: Janë në përgjithësi mallra të destinuara tek një vend i tretë, të vendosura nën regjimin doganor, në përpunimin pasiv, ose të rieksportuar pas përpunimit aktiv.

Importet: Janë në përgjithësi mallra që vinë nga një vend i tretë, të vendosura direkt në qarkullim të lirë ose që qëndrojnë në magazinat e ruajtjes nën procedurat doganore të lejimit për qarkullim të lirë, për përpunim aktiv ose për përpunim nën kontrollin doganor.

Nomenklatura e Statistikave të Transportit (NST 2007): Është një nomenklaturë statistikore e cila përdoret për mallrat e transportuara nëpërmjet katër mënyrave të transportit: transport rrugor, hekurudhë, transport ujor i brendshëm dhe transport detar.

Të dhënat e transportit detar, ajror dhe hekurudhor janë paraprake dhe subjekt rishikimi. Për më shumë, referohu: [Politika e Revizionimit Statistikor](#).

Shpjegimi i simboleve

0 vlerë më e vogël se gjysma e njësisë matëse

- pa vlerë

(...) mungesë të dhënash